



kal.komp.

14169

III

Mag. St. Dr.

P

*Petticoviensis Scholar. Libr. Collegii: Plenumium delotii*

PANEG. et VITAE

Polon. Fol.

N<sup>o</sup> 212







PLENILUNIUM

Doloris.

JLLUSTRISSIMI

&

EXCELLENTISSIMI DOMINI,

D. STANISLAI

DONHOFF

PALATINI, POLOCENSIS,

CAMPIDUCTORIS M.D.L.

NEOCORCINENSIS, MOZIRIENSIS, &c. CAPITANEI,  
in decrefcenti maternæ Cynthiæ, & vitæ,

JLLUSTRISSIMÆ

&

EXCELLENTISSIMÆ DOMINÆ,

D. CONSTANTIAE

de Domo SLUSZKARUM, 1723

DONHOFFIÆ

MARIÆBURGENSIS PALATINÆ,

GENITRICIS SUÆ,

ab Obligatissimo Protectori suo

Petricovenſi Scholarum Piarum Collegio

inter Parentales lachrymas

OBSERVATUM.

Anno

quo Pulchra ut Luna Plenilunium Solatiorum  
mundo attulit 1723.

Typis Clari-Montis Czeſtochoviensis.

56.

BIBLIOTHECA  
VNIV. IAGELL.  
GRACOVENSIS



Utraq; decrevit SLUSZKARUM Cynthia, postquam  
Ultima sustinuit tristia fata Nurus.

Hinc gemitus Patriæ, populis, Templisq; , Pijſq;  
Muſis, cunctorum palpebra ſtagnat aquis.

Sic quæ mille tulit secum solatia terris,  
Cynthia decrescens, plena dolore cadit.





JLLUSTRISIME

&

EXCELLENTISIME DOMINE,

PALATINE POLOCENSIS,

DUX EXERCITUM M.D.L.

PROTECTOR AMPLISSIME.



*Vantum Illustrissimæ Genitricis casus Tu-  
um ad lachrymas contrivit pectus, vel ad hos  
deciduis collachrymantes guttis videmus  
cereos. Stetit in suæ decrescendi lucis ma-  
terna Cynthia, sed Tibi mæroris attulit  
plenilunium, hebetatus ad mortis Saxum Patritius illi-  
us Ensis, sed Tuum acuto satis dolore confixit pectus.  
Luges mortualibus vinctam institis, cui corde & animo  
devinctus eras; commoreris mortuæ, à qua vitam cum*

)(

sanguis-



sanguine derivâsti, Augent doloris plenitudinem gemi-  
næ Proles solatia mortis erepta latrocinio, cum quibus  
spes omnes publicas succidit in herba immitis falx Li-  
bitinæ. Iam enim ex primo juventæ flore fructum a-  
dultæ indolis præsagientis divinatio carpebat animi, jam  
ex aurora vitæ meridiem ulterioris ævi publica meti-  
ebantur auguria, huic Sigilla & clavas, illi Scipio-  
nes omnium devovebat expectatio, Atlantes Patriæ, As-  
sertores legum, Fulcra Majestatum communis populi  
ominabatur sensus, cum ecce pyraticam professa La-  
chesis magnæ Spei onerariam ad sepulchri lapidem ve-  
lut ad infamem allisit Scopulum & confregit. Quan-  
ta hinc lugendi materia! vix cor Ducale non eripit  
immitis dolor, postquam vitam cordis, animam vitæ,  
Illustrissimam Genitricem & cara pignora crudeles  
eripuerunt Parcæ. Venimus in Societatem lætius, ut  
divisus in plures mitius sæviat dolor, totum etiam in  
nostra vellemus transferri præcordia, dummodo Tui  
amplitudinem animi nullæ coarctent angustie. Scimus  
enim quantum protectrici debemus gratiæ, idcirco no-  
stris damnis Tuae detrimenta vitæ, nostris luctibus Tu-  
os mærores redimere volumus, Dolemus tantam Do-  
mûs Palatinæ cladem, nec prius sæviens mitescet dolor,  
donec hoc mæroris Plenilunium mille solatiorum pleni-  
tudine clementiores Tibi refundant superi.

Ut vovet

**ILLUSTRISSIMO NOMINI TUO,**

Devotissimum Petricoviense Collegium  
Scholarum Piarum.



**D O M**

Loquere  
facundè Orator, vive dolor!  
dum tacet mortis silentio  
toto vocalis orbe

**CONSTANTIA**  
De Domo **SLUSZKARUM** ultima,  
virtute prima,  
gestorum Magnitudine nulli secunda,  
Et in splendore actionum,  
& in mortis umbra

**ILLUSTRISSIMA**  
Ut virtutis habitu

fic Senatorum purpuris ornatissima  
**MARIÆBURGENSIS PALATINA**

Genus illius quæris?  
illo prognata sanguine,  
qui si guttatim flueret,  
Ex guttis singulis, singuli Reges nasci possent.

Majores non novit, nisi Maximos,  
qui simul in mundum,  
simul prodierunt in fastigia,  
simul gressus & gradus formare didicerunt.

Implerunt faldistoria Præfules,  
occuparunt curiam Senatores,  
federunt in Tribunalibus Judices,  
arenam triverunt Heroes,  
casus leuârunt Poloniæ Maximi Statores,  
Sublimes honoribus, sublimiores factis,  
*Tyrum ditare purpuris,*  
orbem fvlcire scipionibus,

**A**

**fyl-**



sylvas plantare palmis,  
*concatenatis annulis vincire Hellespontum,*

Civiciis, castrensibus, obsidionalibus coronis,  
ipsum opprimere Capitolium potuerunt.

Lunas in ceris prætulit,  
quod quantum præcedit clara minores Luna faces,  
tantum luce originis cæteris anteiret.

**In ZENOVICIA Paterna Avia**

Regum serbiæ thronos,  
in materna Avia MOHILANKA  
CONSTANTINI Paleologi solia  
Stephani Battorei Coronas.

*in affinitatem traxit*  
mille diadematis coronanda,

*Heu ingens dolor!*

**Filia Ivcis cognata Serenissimis**

*jacet extincta in cinere!*

*Colligata Inviictissimis*  
a morte victa vincitur institis.

**Affinis Celsissimis**

*depressa in tumulum*  
magnitudinem suam parvo hoc coarctavit compendio.

Lege tam difficilia anthitheta  
*qui spectator advenis!*

¶

sive discis vitam ex cādavere mortuo,  
*sive plenam vanitatem terræ vides in pulveris nihilo,*

**CONSTANTIÆ**

solidam beātitudinem,

**S L U S Z K O V I Æ**

Regnum perennis gloriæ,

**PALATINÆ**

Curulim cæli,

Umbrae mortis

*lucem precare perpetuam.*

DOM



D. O. M.

*Adeste Cives!*

Matrem Senatorum in exigua Curuli,

Inviictam Heroidem in arena mortis,

*Illustrissimam Palatinam in umbra sepulchri*  
spectate!

*Nomen illius queritis?*

CONSTANTIA

ex SŁUSZKOVIJS

DENHOFFIA.

*Herois vel sub sole una, vel Sol omnium.*

Luxit finè ullius luctu,

arsit ad omnium triumphos,

extincta est in lachrymis singulorum.

Ex Patre

BOGUSŁAO SŁUSZKA

*Thesaurario M. D. L.*

prodijt in lucem velut de Thesauro Gemma.

Ex Matre

ANNA POTOCCIA,

*id est Gratia,*

nata Gratiarum compendium.

*Rosæ adinstar evoluta in murice,*

bonæ odorem spiravit famæ.

Penes ruborem Purpurarum candidissima

*Penes Consanguinearum unionem Domorum*

tota Gemmea.

Vivens meritis & famâ,

*moriens lachrymis & dolore implevit orbem.*

Templa Fundatricem.

pupilli Matrem,

Mariæburgum Palatinam,

*Affines Prosapie Ornamentum.*



unâ pupillâ unicum omnes deplorant Lumen.

*Cernis*

Principem RADZIVILIORUM Aquilam?

*nigro maiorem testatur colore.*

*Spectas*

WISNIOWIECCIORUM, TYSKIEWICIO-  
RUM SIENIAWSCIORUM Lunam?

*aquis amicum fidus se exhibet,*

*sed lachrymarum.*

Vides SAPIEHARUM Sagittam?

*non jam in laurum,*

*ut olim Amphiarai telum*

*sed in tristem effrondescit cupressum.*

*Fluvius Regnator aquarum*

LUBOMIRSCIUS Srzeńiava

*ipsis non nisi manat lachrymis.*

MNISZCHORUM Pennæ

*dolaris scribunt echaracteres.*

ZA WISZARUM Olor

*lugubri funera deplorat cantu.*

Comitum de OSTROROG Fascia

*in spongiam abiit,*

*quæ rorantis palpebræ excipiat stillicidia.*

*Hæc quot insignes Domos*

*contrivit ad planctum unius casus*

CONSTANTIÆ!

*Nullius lachrymas voluit vivens,*

*omnium habet moriens.*

*Abneptis Regum,*

*Filia Procerum,*

*Sponsa Senatorum,*

*Mater Ducum,*

Semel mortua, semper dolenda.

DOM



**D. O. M.**

Lugete Posterì mortuam,  
quam vix credatis fuisse mortalem.

**C O N S T A N T I A**

hæc est.

Herois ferreò hoc sæculo aurea.  
inter Sanctas prudens, inter prudentes Sancta.

Patri

**B O G U S L A O S Ł U S Z K A**

solo dissimilis sexu,  
nec genio, nec ingenio degener.

Quod ille inter Viros,  
illa inter mulieres fuit.

**Thefaurarij M. D. L. Filia,**

Thefaurum se præbuit gratiarum.

**V L A D I S L A O D O N H O E F,**

**Mariæburgensi Palatino**

ideò uxor data,

quia virtutis similitudine debita.

Quod Priamo regnatrici Hecuba,  
Penelope Ulyssi, Lavinia Æneæ,  
hoc illa Conjugi Palatino.

Pia, Pudica, Magnanima.

sinè pauperum oppressione gravis,

sinè colore candida,

sinè felle bona.

**T E R E S S I A M**

dedit sæculo,

verè Seraphicam

quæ assiduâ in superos ardet flammâ,

ut scias hominem excessisse,

quæ Seraphicas mentes potuit generare.

Principi

B

CZAR.



C Z A R T O R I S C I O

M. D. L. VEXILLIFERO.

hanc dedit Sponsam,  
ipsamet Sangvine & virtute

Princeps,

signa prætulit sanctitatis.

Masculam indolem fortita

S T A N I S L A U M,

Polocensem P A L A T I N U M,

Campiductorem M. D. L.

Deo & Patriæ virum genuit,

cui similem optabit Senatus ad Curulim,

nec inveniet,

qværet Bellona ad clavam,

nec consequetur.

Herois

tam magnas animas pariens,  
ut gemino exhausta sit fætu.

Vixit annis septuaginta,

Deo per fidem sanctè,

Patriæ per merita illibatè,

Domui per famam gloriosè

Amicis per obsequia candide.

Lassata meritis,

cum ulterius

in vitam non posset progredi,

quievit in tumulo.

Anno,

Millesimo, Septingentesimo, vigesimo tertio,

sibi ultimo.

D.O.M.



**D. O. M.**

Viator,

luge & lege **CAPUT**  
bonæ mentis hospitium,  
consiliorum arcem,  
sapientiæ domicilium.

**In Regibus**

**Hispaniæ, Aragoniæ, Portugalliæ, Castiliæ**  
diademate coronatum,

**in ALEXANDRO II.**

Apostolicis triregnis redimitum,

in Ducibus Franconiæ

mitris Principum decoratum,

**in JOANNE CASIMIRO DONHOFF**

Cardinalitijs revinctum Galeris,

in tot Heroibus laureis ornatum,

nunc fatalibus cinctum cupressis.

**Qui** olim indomitus regnabat **APE R,**

nunc dolori subditus

tributa pendit lachrymarum.

**Stator Poloniæ**

**STANISLAUS**

casum Genitricis luget,

**FLULUSTRISSIMUS**

in umbra mæroris squallet.

**POLOCENSIS PALATINUS**

pallefcit in purpura.

**DUX EXERCITUUM**

luctibus ipsis militat,

clavam regente fato.

**COMES S. R. I.**



abeunti in cælos Genitrici  
**CONSTANTIÆ**

comites dat lachrymas.

Commoritur illi,

à qua vitam acceperat.

Dignus tanta Matre Filius,  
digna tanto Filio Mater.

Heroum nata & Parens,

Gladium in ceris prætulit.

Cælis amica & astris,

Lunas in Stemma vocavit;

ipsamet Cynthia

genere, Sangvine, probitate

**ILLUSTRISSIMA.**

Mutari tamen nescia,

quia

**CONSTANTIA.**

Meritis & virtute crescens,

vitæ subijt decrefcentem,

eclypsim solationum Domui,

Plenilunium doloris Filio

relinquendo.

Corda

quæ sibi obligaverat vivens

monumenta fecit mortua

in marmoribus, amoribus,

moribus, oribus,

immortalis.

D.O.M.



# D. O. M.

Oculos & cot Viator!

illos ad lachrymas, hoc ad memoriam  
**CONSTANTIÆ DONHOFFIÆ**

Sub hoc quiescit Saxo,  
ad gratias cœrea, ad vitium faxea,  
& quæ miserorum oculos siccauit vivens,  
etiam feliciū genas humectat moriens.

**Semel mortua**

semper dolendaa.

**Sexu Fæmina,**

virtutibus supra viros.

Decus quo vixit sæculi,  
invidia secuturi.

In veritate candida, in varietate nulla,  
in virtute omnis.

**Nec auri tenax, nec odij,**

semper æquè parata donare beneficia,  
ac maleficia condonare.

Dum singulorum declinat injurias,  
omnium amores incurrit.

Mitis omnibus, nemini aspera, pia universis.

Ut

**ANNÆ POTOCCIÆ**

id est Gratiae Filiam se demonstraret,

nihil curavit magis,

quàm profusionem gratiarum.

**Liberalis ultra omnium exempla,**

profusa ultra sua proventa,

benefica ultra pauperum vota.

Desolatos quos vidit,

dimisit consolatos.

Solos non aluit inopes,

C

quos



quos ignoravit.  
Plura appetijt, quò plura dare posset.  
Locuples esse voluit,  
nè ullus esset miser.

**More gentilitiæ Lunæ**  
in omnes  
universales beneficentiæ extendit radios,  
quibus  
in mari lachrymarum gemmas,  
in petra inopiæ aurum & argentum,  
in fulcatis longo labore egenorum manibus  
amplissimam gratiarum segetem novit operari.  
Corde devota & manu,  
Sanctorum aras oravit simul & ornavit,  
& quas colebat Imagines,  
incultas esse ferre non potuit.  
Dicent Xenodochia cum gemitu,  
Narrabunt Monasteria cum suspirijs,  
Prædicabunt Collegia cum lachrymis,  
qualiter

in Divos divitias splendide,  
in Numen nummos profuse,  
in miseros gratias copiose,  
dedit, distribuit, erogavit.  
Sed heu oppositam liberalitati Parcā!  
Thesaurum infodit terræ,  
quo inops ditescibat calamitas.  
Lugete posteri damnum irreparabile!

**Tu Viator**  
tantæ Benefactricis Meccenas esto!  
Coronam pro auro,  
mercedem pro beneficio,  
lucem pro splendore metalli,  
pro irrequieta munificentia  
requiem precare, & abi.

D. O. M.



D. O. M.

Tegit hic Lapis Viator,  
quam non una Tibi historia reteget  
**CONSTANTIAM DONHOFFIAM**  
Mariæburgensem Palatinam.

Cujus venerabere Cineres,  
si mores agnoveris.

Majores Sortita,  
*quos tales decerent Posteris.*

Splendorem cerarum  
claritate facinorum geminavit.

*Inter purpuratas Prima,  
inter felices secundissima,  
inter Sanctas nunquam postrema.*  
Meritorum insatiabilem cupiditatem habuit,  
in hoc uno avara!

Magnitudinem honoris contempsit,  
in hoc solo superba,  
Lassatam senio & titulis vitam posuit,  
in hoc tantum mortalis.

*Terras incolens Numen coluit,  
terris exempta pro Numine colitur.*

Humanis implicata, Divina non deseruit,  
religiosior in palatio,  
quam alter in asceterio.

Pro gemmis,  
lachrymis pænitentibus ornabatur,  
pro stibio & cerussa,  
minio verecundiæ pingebatur.

Prædibat in publicum,  
& secum mansit.



Egit honoranda, & honorari noluit.

Dilexit laudanda,

& laudes in odio habuit.

*Defuit plerumq; sibi,*

*ut proximis non deesset.*

*Subtraxit negotijs tempus,*

*ut daret Pietati.*

Nectebat è Rosario Serta,

*ut Fontem signatum coronaret.*

Volvebat libros, in quibus primum caput,

Spinis, aut stellis duodecem coronatum.

Injurias eò toleravit æquiùs,

quo iniquius inferrentur, celsiorem se fecit,

quàm ut ad illam doloris tela pertingerent.

Sui Custos non deterior, quàm Familiæ.

*Deum nè improvisus adesset,*

*horis singulis expectavit.*

*Severè in se puniens,*

*quæ alijs condonaret,*

Vitià quæ jejunijs, quæ flagellis,

non tam quia propinquaverant, pepulit,

quàm ne propinquarent, deterruit.

Et cum nihil pro Deo non ageret

ipsam egit animam,

quomodo solent sapientes fortiter

quomodo debent fortes hilariter,

*Terre corpus Christianè,*

*Patriæ merita perfectè,*

*Domui gloriam splendide,*

*Famam eternitati copiose,*

*relinquendo.*

D.O.M.



# D. O. M.

Avara mors est,  
aureæ Vobis mentes cavete !  
**CONSTANTIA DENHOFFIA**

ideò non retinuit animam,  
quia habuit pretiosam.

*Si fortitudinem spectas ? Lacena,*

*si magnanimitatem ? Cornelia,*

*si prudentiam ? Sybilla,*

In rerum successu modesta,

in casibus adversis læta,

in sorte utraque una.

*Divinitati actionum humanitatem,*

*sublimitati perfectionis demissionem,*

*splendori cerarum umbram modestiæ*

*conjunxit, sociavit, copulavit.*

Vel in hoc omnibus major est habita,

quod fieri non dedignaretur æqualis ;

in orbis opinione una & sola,

in propria æstimatione nulla.

*Sine fastu gravis,*

*sine fictione affabilis,*

*sine expectatione accessibilis.*

Lucrata facilitate indolis amores omnium,

felicitate virtutis omnium admirationem.

Ita dominæ negotia disponebat aulæ,

*ut nemo corrigeret,*

ita moderata subditis imponebat obsequia,

*ut quilibet contentus esset,*

ita prorum altaribus acclinabat poplitem,

*ut nihil sanctius videretur.*

*Non contenta se bonam esse,*

*domesticos voluit facere meliores.*

D

Gynæ-



Gynæceum illius, verecundiæ templum.

Parthenonem dixisses,

si aulam spectasses.

Persuasit divinæ legis observantiæ

ipsa observantissima.

Instillavit pietatem,

ipsa pijsissima.

Illos ad latus admittere solita,

qui juxta cor Divinum essent;

procul ab aulæ limine amoveri voluit,

qui limites honesti egressi essent,

*Grandis Anima,*

*Cibo Grandium sæpius vesci voluit.*

*Herois*

*frugi Optime electa ex millibus*

*Frumentum Electorum adamavit.*

*On Elisabethis Hungaria,*

*In Isabellis Syrcilia,*

*in Kunegundis Polonia,*

*in Blancis Gallia,*

*vix aliquid amplius vidit.*

Sed heu dolor!

quam vitæ fatigabant virtutes,

illam morborum vitia

(quæ sola corrigere non potuit)

peremerunt.

*Celo matura contidit in autumno.*

Vixit annos, quos rari,

gessit honores, quos vix aliqui,

meruit nomen, quod pauci.

*Olim omnibus major,*

*nunc in cinere nulli impar.*

*Superstes eternitati*

*soli mortua temporis.*

DOM



# D. O. M.

Sta Viator, & obstupeſce?

*mors aequat Celiſſimos,*

*extingvit Illuſtriſſimos,*

*obſcurat Sereniſſimos.*

Ad oppoſitionem mortalis terræ

SLUSZKOVIA lugubrem paſſa eclypſim Luna.

*Extinctum ſidus*

*Atticis amicis noctibus.*

CONSTANTIA DONHOFFIA

*fatali caſu occaſum ſubiit.*

FRANCISCA, ſi Sanctimonium ſpectas,

MELANIA, ſi munificentiam adoras,

PAULA, ſi mortificationem intueris.

Ætatum, mulierum, hominum.

*Hiſtoria, exemplum, admiratio.*

*Ita vixit.*

*quaſi ſemper merita,*

*ita mortua quaſi æternum Victura.*

*In periculofis cauta,*

*in arduis prudens,*

*in magnis ſumma.*

Omnibus diviſa obſequio,

*integram ſervavit conſcientiam.*

Uitiorum horror, meritorum honor,  
illorum ſtudiô, iſtorum ſtigmata meruit.

Agenda ponderavit mature,

*egit a ſæculis ponderanda.*

*Lachrymas inopiæ noluit vivens*

a Dei Matris Pauperibus exigit mortua.

*Ducunt ſaſas doloris filias.*



ut suæ parentent Matri.  
Quamdiu hæc spiravit  
*bene speravit*  
Scholarum Piarum Religio,  
Crevit Filius accrescens  
Iosephus Calasantius,  
*donec hæc in tumultum non decrevit Cynthia.*  
Digna sæculorum memoria,  
*quæ Musas*  
& literas aurô æstimavit.  
*Amusos exosa Dionysios,*  
*quibus aurum*  
ex Apolline corradere placuit,  
*eundem vestivit sumptuosius.*  
Matrem æternæ sapientiæ  
corde prosequens,  
ejusdem militantes honori  
*Scholas Pias*  
manu benefica fovit.  
In hoc tantum illis injuria,  
quod immortalium operum  
*anhelitu plena*  
animam exhalavit.  
Cui in hoc marmore  
læsi scribimus  
æternam gratitudinem.

**DOM**



**D. O. M.**

Mirare Viator!

*tam angustus tumulus,*

quot & quanta tegit Nomina!

**CONSTANTIA**

**DENHOFFIA.**

*Sub hoc quiescit saxo, sed non sola,*

**S. R. J. COMITISSA**

geminos Nepotes habet in comitatu.

*utrumq; tenellum,*

*si etatem spectes,*

utrumq; maturum,

si indolem admireris.

Regij Nominis hæres

**VLADISLAUS**

factus morti subditus,

*cupressum pro lauro,*

pro Corona, vitæ coronidem retulit.

*Filius accrescens*

**JOSEPHUS**

cum in gigantem crescere debuisset

*ad currendam gloriæ immortalis Viam,*

decrevit in tumulum.

In langvore mortis cadentem

*nec lilia Patroni fulcire potuerunt.*

Heu invida magnæ spei fata!

succidistis flores,

a quibus fructum gloriæ expectavimus;

**E**

*Extin.*



*Extinxistis in ortu Soles;*

[a quibus meridiem famæ præstolati sumus.

Obierunt,

qui Regni munia obire debuerunt.

*Excesserunt e vivis,*

qui gestorum magnitudine fidem sæculorum  
excessissent.

Sta qui hæc legis, & compatere,

*Parenti superstiti*

serenitatem post doloris nubila,


Filijs

in' umbra mortis quiescentibus  
lucem precare perpetuam.





Biblioteka Jagiellońska



stdr0023833



